

Old Testament Literature

Historianan di Isaías, Jeremias, Lamentashonnan & Ezekiel

Kontenido

- Profeta
- Profetanan i eksilio (ripitishon)
- Isaías
- Jeremias
- Lamentashonnan
- Ezekiel
- Tarea

Profeta

- Semper hende tabata ke tin konekshon ku un ser supremo
- Kon nos por sa ku e hende su palabranan ta konfiabel?
- Awendia diferente hende ta yama nan mes profeta
- Beibel ta papia di profeta berdadero i profeta falsu.
- Ban wak kon Beibel ta definí profeta.

Profeta

- E palabra 'profeta' ta bin di e palabra Griego 'prophetes'. E palabranan na Hebreo pa esaki ta *nabhi*, *ro'eh* i *hozeh*.
- Ban lesa Eksodo 7:1-2 pa komprondé e palabra *nabhi* mas mihó

Eksodo 7:1-2

1 E ora ei SEÑOR a bisa Moisés: "Mira, Mi ta hasibo manera Dios pa Farao, i bo ruman Aaron lo ta bo profeta (*nabhi*). 2 Bo mester papia tur loke Mi ordenábo, i bo ruman Aaron mester papia ku Farao pa e laga e yunan di Israel sali for di su tera.

- Nabhi ta nifiká ‘spokesman’, esun yamá pa papia òf esun yamá pa papia pa e otro

Ban wak Deuteronomio 18:15-19

Deuteronomio 18:15-17

15 SEÑOR bo Dios lo lanta pa bo un profeta manera ami for di meimei di bo, for di bo paisanonan; boso mester skucha na djé. 16 Esaki ta segun tur loke bo a pidi di SEÑOR bo Dios na Horèb riba e dia di asamblea, bisando: 'No lagami tende e bos di SEÑOR mi Dios mas, ni lagami mira e kandela grandi aki mas, pa mi no muri.' 17 "I SEÑOR a bisami: 'Loke nan a papia ta bon.

Deuteronomio 18:18-19

18 Lo Mi lanta un profeta manera abo for di meimei di nan paisanonan, i lo Mi pone Mi palabranan den su boka, i e lo papia ku nan tur loke Mi orden'é. 19 I lo sosodé ku ken ku no skucha Mi palabranan ku e lo papia den Mi nòmber, Ami mes lo pidié kuenta di esaki.

Profeta

- E profeta mester bisa e palabranan ku Dios a orden'é
- E profeta tin e outoridat di Dios
- Profetanan no tabatei pa un tempu so, pero lo tin susesornan
- E profeta mester ta un israelita

Pues un profeta ta esun yamá pa Dios, kende a risibí Dios Su palabra i ta mandá den e outoridat di Dios.

Profeta

- Moises ta esun ku ta pone un standarte pa tur e profetanan i profesianan
- Moises su funshon tabata pa
 - Risibí Dios Su palabra pa e pueblo di Dios
 - Komuniká/proklamá e boluntat di Dios na e pueblo
 - Representá e bos di Dios
- Tur profeta ku sigui mester kumpli ku e eksiguiensianan aki

E palabra profetiko

E palabra profetiko tabatin gran balor

- E lei di Moises ta prohibí pa uza e nòmber di Dios enbano
- E profetanan por papia solamente loke Dios manda nan
- E frase ‘asina Señor ta bisa’ ta un frase di konfikshon profundo ku Dios a pone Su palabra den boka di e profeta
- Pa aserka un profeta di Dios ta manera papia ku Dios mes

Un punto di atenshon

Kada buki profetiko tin mensahenan ku ta papia pa sirkunstansianan spesífiko den e historia di Israel. Pa e motibu aki no ta posibel pa bin ku un teologia ku ta aplikabel pa tur e palabranan profetiko. Loke ku si ta bon kla ta e énfasis teologiko ku nan tur tin en komun. Nan tur ta enfatisá Dios su soberania, hustisia, rektitut i loyalidat di aliansa (covenant loyalty)

Profetanan promé ku eksilio

For di e morto di rei Ezekias te na e eksilio den tempu di rei Zedekias, Dios a yama 5 profeta pa Huda:

- Nahum
- Jeremias
- Sofonias
- Habakuk
- Abdias

Profetanan den tempu di eksilio

Dios a manda dos profeta den eksilio:

- Daniel
- Ezekiel

Nan tur dos tabata eksiliadonan den e tempu ei.

Jeremias tambe tabata un profeta e tempu ei, pero e no a bai eksilio

Ban wak kon e eksilio na Juda a tuma lugá.

E eksilio di Juda

Tabatin 3 fluho ('wave') di eksilio:

1. E promé fluho: Den e di 3 aña di e reinado di Joakim, rei di Juda, Nabukodonosor, rei di Babilonia, a bin Jerusalèm. Algun yunan di Israel, algun di e famia real i di e nobelnan, hóbennan ku no tabatin niun defekto, bon aparensia i hopi sabiduria. Pues aki Daniel i su amigunan a bai eksilio. For di akinan Dios tabata prepará e kaminda pa Daniel por tin influensia riba e gobernashon p'asina e por kuida e pueblo di Dios.

E eksilio di Juda

Tabatin 3 fluho ('wave') di eksilio:

2. E di dos fluho: Den e di 3 luna di e reinado di Joakin, rei di Juda, Nabukodonosor, rei di Babilonia, a bin Jerusalèm. Nan a bai ku tur e kapitannan, hòmbènan poderoso i balente, artenaso i smet (hende pober a keda atras). Nan a kuminsá traha e komunitat kaminda e hudiunan lo mester bai biba. Den e hendenan aki tabatin Ezekiel (5 aña di eksilio di rei Joakin)

E eksilio di Juda

Tabatin 3 fluho ('wave') di eksilio:

3. E di tres fluho: Den e di 11 aña di e reinado di Zedekias, rei di Juda, Nabukodonosor, rei di Babilonia, a bin Jerusalèm i kapturá e stat. Nan a bai ku kasi tur hende ku a sobrebibí. Algun di esnan di mas pober a keda komo kuidadó di e kunukunan di wendruif i plugdó di e tera

Ban na e profetanan

Isaías – temporada historiko

ISA 1:1 E vishon ku Isaías, yu hòmber di Amos, a mira tokante di Juda i Jerusalèm, durante di e dianan di Uzias, Jotam, Akaz i Ezekias, reinan di Juda.

- Isaías 1-6: Temporada di Rei Uzias i Jotam
- Isaías 7-14: Temporada di Rei Akaz
- Isaías 15-39: Temporada di Rei Ezekias (kapítulo 36-39 ta paralel ku 2 Reinan 18:13-20:19)
- Isaías 40-66: E temporada di eksilio i despues di eksilio. Nan ta tipifikashonnan di e reinado den futuro

Isaías – paternidat literario

Ken ta e outor (paternidat literario)?

- Perspektiva #1: E outor ta Isaías, yu hòmber di Amos kende a profetisá 740 B.C. (Isaías 1:1; 6:1)
- Perspektiva #2: E tin diferente outor. E promé ta Isaias mes, e di dos ta un Second Isaiah (Deuterono-Isaiah) i tin un di tres ku ta e Trito-Isaiah

Isaías - struktura

1 – 33	Huisio kontra Juda, Israel i e nashonnan
1 – 12	Purifikashon di Jerusalèm dor di huisio
13 – 27	Huisio di Dios kontra e nashonnan
28 – 33	Ai-nan kontra Israel su aliansa ku Egipto
34 – 66	Promesa i kumplimentu
34 - 35	E ruina di Edom i e salbashon di Juda
36 – 39	Asiria su rondonamentu (siege) di Israel, Ezekias su malesa i Merodak-Baladan
40 – 55	Palabra di konsolashon pa esnan ku lo bolbe Jerusalèm
56 – 58	Religion falsu i bèrdat
59 – 66	Arepentimenti di Zion, restourashon i futuro

Isaías – remarke final

- Isaías a mira ku Juda lo pèrdè nan paraiso dor di e huisio ku lo hiba nan den e eksilio babiloniko. El a mira tambe ku despues Dios lo restourá nan dor di libra nan for di e eksilio babiloniko i hiba nan na e tera primintí.
- Isaías tabata na bida promé ku eksilio, pero su profesianan ta kubri tantu promé, durante, despues i den futuro

Jeremias

- E ta e buki di mas largu den Beibel i ta kubri 40 aña
- Jeremias ta un buki profetiko úniko dor ku nos sa mas di e profeta antiguo aki ku di kualke otro profeta bíbliko; e ta manera su outobiografia
- El a wòrdu yama komo profeta ora e tabata yòn ainda
- Dios a advertí Jeremias ku su ministerio lo ta difisil
- Jeremias su bida ta sirbi komo modelo di kurashi

Jeremias

- E tabata sostené e reformenan di Rei Josias
- Ora Rei Josias a muri e pais a bira bek den mal kaminda i Jeremias tabata profetisá tokante e maldatnan di e reinan
- El a sufri bastante
- Tabatin bon hende tambe rònt di dje
- Jeremias ta úniko dor di e kantidat di keho ku e tabatin kontra Dios

Jeremias i eksilio

- Jeremias mes no a bai eksilio, e mester a keda atras
 - E tabata manda karta si pa e eksiliadonan
- Ban lesa un di e kartanan: Jeremias 29:4-14
- E profesia aki por a asta muestra kontradiktorio pa e eksiliadonan (nan no kier a keda), pero Dios tabatin su tempu stipulá pa restourá nan bek

Jeremias

- Jeremias 1: E yamada di Jeremias
- Jeremias 2-25: Sermonnan serio kontra piká
- Jeremias 26-45: Biografia di Jeremias
- Jeremias 46-51: Mensahenan pa bisiñanan i enemigunan di Juda
- Jeremias 52: Detayes di e kaida trágiko di Jerusalèm

Lamentashonnan

- Lamentashonnan no ta un buki profetiko, pero e ta un poesia ku ta deskribí e miseria di e hendenan despues di e konkista na Jerusalèm dor di e babilonianan
- E outor ta deskonosí, pero komo ku Jeremias ta konosí komo e ‘profeta yoradó’ (weeping prophet), nan ta pensa ku por ta Jeremias
- E ta konsistí di 5 kantika di lamento skibí den un forma poetiko

Lamentashonnan

- E ta konsistí di 5 kantika di lamento skibí den un forma poetiko (alphabetic acrostics)
 - E promé, di dos, di kuater i di sinku kantika di lamento ta 22 versíkulo largu
 - E di tres kantika di lamento ta 66 versíkulo largu (3 x 22 = 66)
- E ritmo ku e outor a uza ta e ritmo ku nan ta uza pa kantikanan di entiero

Lamentashonnan

Mensahe:

E poeta ta deskribí e tristesa di e sobrebientenan di e morto di nan suidat (Jerusalèm). Apesar di e agonia poetiko i e hendenan, tin speransa:

Lamentashonnan 3:21-23

21 Riba esaki mi ta pensa, pesei mi tin speransa. 22 Di bèrdad, e miserikòrdia di SEÑOR no ta kaba nunca, pasobra Su kompashon nunca no ta faya. 23 Tur mainta nan ta nobo; grandi ta Bo fieldat.

Ezekiel den eksilio

- El a bai den e di dos fluho di eksilio
- Su mensahe tabata promé i despues di e destrukshon di Jerusalèm (e di tres fluho) 586 B.C.
- E tabata papia ku henter Israel, pero tambe e eksiliadonan kende Jeremias tabata manda karta p'e.
- E eksiliadonan tabata skucha profetanan falsu.
- E buki di Ezekiel ta indiká ku no ta tur hende su aktitut a kambia na Babilonia

Ezekiel den eksilio

- Ezekiel 4 – 7 ta spiertamentu kontra e kaida di Jerusalèm

Ban lesa Ezekiel 7:1-7

- Den henter e buki di Ezekiel ta bin dilanti ku Yahweh, dor di Su hustisia, mester a kastigá Su pueblo pa nan pikánan. Pero tin un futuro glorioso pa Israel i den nan futuro nan tera, tèmpep i nan mes lo wòrdu restourá.

Ezekiel

- E método di skibi fecha ta algu úniko
- Ezekiel 1:1-3 ta indiká ku:
 - probablemente Ezekiel tabatin 30 año e tempu ei
 - E tabata un eksiliado
 - Rei Joakin tabatin 5 año den eksilio
- Ezekiel su bida a kambia por kompleto – tur e simbolonan di Dios Su promesa ku Israel no tei mas
- Den e tempu aki Dios a yam'é (theophany)

Ezekiel - Struktura

- Ezekiel 1-3: E yamada di Ezekiel
- Ezekiel 4-24: Mensahenan, vishonnan, i akshonnan simboliko ku ta atvertensía di huiso kontra Juda
- Ezekiel 25-32: Mensahenan atvertiendo pa huiso kontra otro nashonnan
- Ezekiel 33-48: Mensahenan di restourashon di Juda i Israel

Ezekiel – 4 vishonnan

- Ezekiel 1-3: E vishon di Dios i e yamada di Ezekiel
- Ezekiel 8-11: E vishon di kon Dios ta bandoná e tèmpel
- Ezekiel 37: E vishon di e vaye di wesunan seku i Dios Su restourashon
- Ezekiel 40-48: E vishon di e restourashon di e tèmpel i adorashon bèrdadero

Ezekiel – punto di atenshon

- Ezekiel tabata proklamá ku un dia nan lo regresá un tera primintí i ku un dia nan lo sirbi i adorá Dios atrobe manera mester ta.
- Dios no ta habitá na Jerusalèm pero ku su pueblo den koutiverio

Tarea

- Dikon ta importante pa un Kristian lesa i studia e buki di Lamentashonnan? (den bo kontesta bo tinku referí por lo mínimo un biaha na e buki di Jeremias).

Otro siman:

- Prueba di tur e lèsnan te ku eksilio (sin e lès di awe)
- Kontinuashon: Daniel, Amos, Jonas & Oseas